

高輝府志

衛輝府志卷五十二

藝文

墓表

元吳澄濟州達魯花赤追封魏郡伯速哥察兒墓表

故濟州達魯花赤速哥察兒西夏人也歷事三朝以子貴
初贈奉議大夫汴梁路治中驍騎尉追封南樂縣子配康
里氏追封南樂縣君再贈中議大夫河中府知府上騎郡
尉進封魏郡伯南樂縣君進封魏郡君維郡伯世爲河西
著族父哈石霸兒兒善騎射饒智畧臨陣擢鋒所向無敵
太祖皇帝嘉其鷲勇錫名霸都母蔑里吉氏以癸巳歲生

衛輝府志

卷五十二

墓表

一

郡伯體貌魁偉氣識英邁少親行伍長益練習器甲堅整
馳驟勁銳應變赴急奮不顧身定宗皇帝選直宿衛謹飭
敏給甚稱使令從憲宗皇帝征伐不避艱難不憚勞苦凡
所俘獲悉不私有丙辰歲以功受濟州達魯花赤時軍旅
繹騷徵役煩重中州彫弊土廣民稀而能惠愛撫綏如古
循吏於是流逋四集田野日闢境內大治中統 年山東
亂作奉詔扞禦南北斬將二人奪馬二疋捷聞賞銀百兩
回賜所獻二馬在官日久與濟民相安世漸平定無意仕
進買田築室黎陽山下治生教子閒居二十年乃終終之
曰至元甲申正月壬戌也壽五十二葬黎陽山康里郡君

勤儉理家至老不倦子哈喇哈孫讀書通文瀉大德庚子授承事郎江西等處行中書省左右司都事郡君受祿養壬寅正月甲辰終壽六十九歸柩合葬郡伯卒後三十年當延祐戊午子改授奉議大夫同知江州路總管府事始蒙恩封贈二親又十年當大定丁卯子以中議大夫漢陽府知府致仕再蒙恩加封具書論于臨川吳澄曰哈喇哈孫生甫四歲先父郡伯已不仕莫能詳其施政卹民之實聞于先母郡君者百不一二然欽承天渥榮賁泉壤至再倘無文追述以示方來非孝也是以竊有請焉予素知江州二侯之賢今而又得知其先世累功之恩信乎水木之本

衛輝府志

卷五十二

墓表

二

源也乃不辭而叙次其世如左孫男三脫因江西行省史先授從事郎臨江路錄事司達魯花赤今授承事郎吉安路吉水州判官納嘉德從事郎澤州路安化縣達魯花赤兼勸農事其季賜進士出身承事郎江州路瑞昌縣達魯花赤兼勸農事將父命請余文者也女一曾孫男九女二詩繫于左詩曰皇元啟運羣力蝟奮虎豹效猛鷹準競迅桓桓魏伯西土奇儁先朝舊臣致此胄胤入扈禁庭恪守忠盡出備戎路卓冠行陣皇選爾勞宅物于濬濬民父之千里河潤晝省夫耕夜息乎燐有牛濕濕有犬狺狺世皇龍御電掣雷震將同軌文首削方鎮爾爪爾牙可布可信

沐浴太和勇退怯進乃治田廬乃釋綬印閭里相歡歲月
一瞬英嗣闖興克邁前訓秩秩訐謨郭郭游刃游斧盤根
徐櫛亂鬢繼棄二車爰倅列郡身名屢遷家聞益振帝制
榮寵光彼幽櫬階職焜煌勲爵崇峻生若沈冥歿也赫焮
才猶在昔人用弗盡遭遇在今天報罔靳窮碑勒美百世
不磷不磷維何子孝孫順

明熊廷弼蘅州先生馮上知墓表

萬歷丁酉秋蘅州先生以司馬大夫主楚試不佞弼出其
門下首舉士也以奉先生意氣易忠之訓太過於世多憤
厲寡所諧荏苒二十餘年而先生以丁巳乘箕於是光祿

衛輝府志

卷五十二

墓表

三

阡之草鞠矣書牲石者高邑儕鶴趙先生也庚申冬弼以
經畧遼東聽勘歸過亢村其介弟上賁孤兆麟持狀來會
屬以碑版之役念筆不堪籌投之已久寧能令有道無愧
然國士之感昔人所欽以比部尉之喬公也猶云車過三
步腹痛無怨况吾儕小子之於先生乎乃還里纔數月病
鬱侵尋未暇捉筆而隨以遼陽陷今上念前勞特召起弼
卽日就道再過亢村停輿半晷爲先生力疾表之蓋先生
大小馮君之後也家世奕奕太師贈公才而數竒竟以明
經補武學博士先生生絕穎弱冠遊膠庠壬午舉孝廉己丑
成進士令安肅有破柱之風三輔貴戚望之而輯訟堂如

水無滯牒里胥吏卒不敢私一錢卽厨傳 騎米鹽曲折
軍興科徭其了了有成畫無扞者隅中丞臺役乘遽過邑
而暴輒銀鐙致之中丞臺爲立斃 且以相賞蓋京兆
三王所鮮儷云當是時臺省爭得先生爲快而中有忌者
遂用計部召無何調司馬大夫無何典楚試調天官大夫
昭公論也時場中解首已有擬者先生與源明先生親搜
落卷一得弼遽援筆定曰共探驪龍子得珠矣而弼遂獲
哀然魁諸士間每念暨子成名未嘗不感愧泣下也先生
丰神義槩孤厲矯舉有落落不可一世之意直指固一科
起家於讌會間疑其輕已也銜之因劾麻城令波及先生先

衛輝府志

卷五十二

墓表

四

生上列自鳴亦搨直指短得並勛一時議者雖心直先生
而不能微繞指於臺省之交護竟量移留都起部郎旋丁
贈公憂哀毀幾滅性以太夫人慰喻乃噉一溢米柴立而
已服除不之官不數月輒假歸日奉板輿爲歡笑也無何
遷計部大夫而太夫人又仙逝矣先生讀禮之餘慷慨料
天下事拊髀曰吾向以二尊人故未敢致身且銓曹粉
署非專有言責今大事襄矣吾將以圖稱于聖明適正陽
門樓災迺抗疏曰臣讀史至隋季人主荒謬跡其所爲不敗
不休乃知孟氏所謂安危利災洵非虛語今陛下御極將四
十載居簡務靜藏垢納污有天地之德神仙土木干戈女

謁種種無議獨財貨一節與天下大小爭命自礦使四出刮膚拔毛吸髓吮血不啻雍氏之蘊崇使慄慄黔首跼高踏厚不復有其生此與安危利災者何異殆皇天所弗與也今畿轉秦晉齊蜀滇閩流移遍野相掠相食至父子夫婦不顧則斬木揭竿之難在中原九邊軍餉不以時給全陝薊遼僅十之七山以西三鎮無論本歲其三十七兩年尚負欠至八十萬彼風雨荷戈何能堪此則脫巾 譟之難在塞下卽不幸一難起而胡虜生心乘我有事飲馬都門則士女震動京營太倉徒有其名文武朝士高者能爲清談而已孰練一卒出一騎驅枵腹之人以折衝禦侮者城門

衛輝府志

卷五十二

墓表

五

一閉卽金玉不可食而敵國在舟中臣不能爲陛下計矣臣言幸而不中社稷之福也不幸而中則大事去矣嗟何及矣疏人不報然識者躉之以爲賈長沙莫過也今者東事壞視先生之言若左券乃先生之言中而先生已矣嗚呼天之不憖遺此一老也小子何述焉輿瓢之多篋書之滿浸假先生而在其必有以坐銷之顧貳光祿勳未幾竟爲考功法所不容夫不容何病不容然後見先生耳先生亦從此隱矣小築郭西澆花釀酒日與清人韻士杯 詞賦相往還塞耳不復知毀譽事所著有都門稿南遊 里居山遊諸稿行於世先生爲人高朗亮拔居恒慷慨憤俗

以世道自任中懷有便而不能平者務達其意乃已
以故於世多不合而賢豪有志節者咸宗之後益從趙先
生究心理學海內方望竟其用而卒齎志以歿表不滿六
有識無識皆惜之它如懿嫩醇德居爲鴻楷出爲羽儀并
世系子姓載銘傳中不具論茲舉其生平之大者於驛邸
中潦草表其一二將以風焉

明張行可中順大夫郭公孔完墓表

定國村之中有大賢曰郭公以已成之德爲可見之行其
處已待人居家臨政咸有條理生雖未克柱石廊廟以大
伸其所學既卒後爲人所傳頌者不衰信一代之偉人足

衛輝府志

卷五十二

墓表

六

以播休光于弗朽者也公諱孔完字元成姓郭氏別號前
川新鄉戒海人也嘉靖二十九年閏六月初四日以疾卒
于官王聞之痛悼不已累致奠賻遣官同子生員行之護
柩還家卜以明年九月二十一日從葬于先塋之次以行
可知公者也不可表夫誠齋先生六子公其最幼者誠
齋以詩中宏治二年河南鄉試任湖廣京山令有政聲既
以憂去復爲山東臨邑令政聲視在京山者益著尋遷武
昌卒母扈氏初扈氏懷娠每有紫氣充庭越異日公遂生
甫數歲能解書傳大意誠齋嘗授以詩隨口成誦及其長
也善屬文識者見而竒之曰此國家材也正德四年人學

十一年食餼十二月初八日誠齋在官以疾卒公解髮履號泣步奔直抵官舍扶柩而來既葬遂廬于墓側日夜哀號有鶴夜鳴人以其孝感所致三年之喪畢不起或勸之公曰凡人求仕雖爲君大抵爲親也吾父既終矣吾胡起而求仕或曰公不起爲父得矣獨不爲母乎公惕然曰完有罪矣幸君教我遂拜謝而起今上龍飛之初實嘉靖元年也公卽以易領河南鄉薦尋以議論不合于禮官退歸田里凡五經義暨秦漢以下諸文章大家一覽輒悉其旨趣嘉靖八年九月二十九日母卒哀哀懇懇相諸兄以舉喪葬咸適禮度既襄事謂戚屬曰吾始不能養吾父今又

衛輝府志

卷五十二

墓表

七

不能養吾母以死吾徒矣復廬于墓側誓將終身焉君子曰昔孔子語曾子以孝始於事親中於事君終於立身行道揚名後世以顯父母子盍思之公感激之遂謁銓授陝西興平令興平素爲豪悍時且大肆而歲又凶民好訟獄租稅逋負公至拷掠不加使訟獄者必盡其情逋負之在民者爲緩期而胥徒侵蠹必置之法時弊一新民皆忻忻然有喜色而相告曰我興平之得賢父母也如此豪悍亦皆斂跡是時邊警交馳上官以各縣城卑行文增修興平獨先期而完池下無水公欲引馬嵬泉以固泉去縣四十餘里說者曰前王父母曾鑿地使來未得今引之恐難公

曰水性下因其勢而導之未有不至者遂作文以祭使
溝渠而水至矣民稱之曰神郭爺咸寧缺官守巡觀察使
僉議咸寧省中鉅縣必得賢能者乃可遂以公白于撫按
委以掌之興平有訟獄者亦赴咸寧以辨而曰郭公至公
無私城隍廟有生祠存焉居任五年中丞任公劉公直指
使公魏公咸登獎薦未嘗敢以興平令視公矣其政蹟累
經上奏將侯考選而吏部繳到以公守涿興平百姓扶老
携幼送于郊且哭之曰我興平之無福也奪我賢父母矣共
刊石志遺愛焉至涿密邇京畿豪右富強與官爲家瑩獨
單微靡所依控兼之近侍紛紛誅求無厭故守涿者率多

衛輝府志

卷五十二

墓表

八

以是見累公方以治興平者轉而治涿皇上以國家稽諸
周制封建親藩爰設長史之官以統僚屬責任攸重恒難
其人特擢公爲伊府左長史公則敷陳仁義輒寓規諷凡
厥藩政多所裨益六年之間勞勩著聞王敬重之請于朝
進階中順大夫服俸如之方荷錫命而公卒豈非天哉距
所生宏治五年八月初一日至卒之年得壽蓋五十有九
矣公自少讀書便以天下爲己任有大志恥以文士取名
愛慕張宣公爲人推明義利雖一毫不苟取天性至孝儀
狀魁傑見者莫不改容自三光五岳之氣分士無節義君
子往往與時抵昂求之古人若漢董仲舒唐韓愈宋韓琦

范仲淹諸公磊磊落落迥出千古公皆可以並駕第以數
與時違弗究大用所幸已成之德可見之行則當藏之名
山以俟後之君子其他則畧之蓋已備於幽室之銘云
明郭涓後山公千之墓表

郭氏世爲新鄉人所居安仁里自勝國傳至今城東五里
許庄址存焉先世瑩壠相傳在尙村東畔以兵燹譜牒不
可考明興始祖欽扞定國村是爲定國里人欽生永堅以
歲貢任陵川主簿廉正自律嘗解草鏹數千會場火監者
欲移期匿解正色拒之悉登籍詳見邑志永堅生温温生
郁宏治己酉舉人歷武昌府通判秉直好義才明磊磊八

衛輝府志

卷五十二

墓表

九

尺餘人望之若神明然所至有惠政稱循吏見臨邑志郁
生孔嘉配王氏生府君諱 之字自强號後山始爲諸生
有聲邑庠無何曾大父捐館舍家務劇遂輟業以歲荐入
成均歷官名山主簿趙府典寶府君性仁厚里稱長者事
親以孝聞母病卧榻垂十四年非大故未嘗去側飲食必
躬進便溺起抱歿爲哀毀骨立喪殯稟文公禮屏浮屠不
用旣葬奉主飲食不祭不先嘗旦暮焚香孺慕至終身不
少替伯父歿乏嗣多藏諸冑弟爭取之獨爲歛含不一問
也曾大父積貲厚邑人持去權子母事貿易輒數百會曾
大父變乘之匿負約數千金持空券而已邑令某索券爲

誅求以春歉辭 秋成則又索府君念豈無斃筮楚下者集
諸券焚之以火災對令猶懊惋不已嘗讌會座客裴生者
府君從妹夫也素不檢以一語左酒暎府君面拭之起竟
去諸弟姪不能堪峻止之曰此妄人者何足與較不爲姑
妹地耶嘗於闈中卧而同舍生某徑入持錢數貫趨去竟
不發一語里舍生某輩每聚譚好媒詆人府君輒怫然去
不欲聞居久之對府君言不敢及人私無賴子方橫行肆
然誰何見府君輒沮退君子曰實德之感人猶湯沃雪也
郡守陳公澍有古循吏風出入屏騶從嘗單騎行縣問民
疾苦時號金帶驛丞廉府君行誼每至邑必造廬訪焉坐

衛輝府志

卷五十二

墓表

十

語良久將爲具飲食命以糲糲進每具飲食羹蔬菜數簋
而已後以事過邑必來訪今請入公署則曰吾自有賢主
人欲晤時或以事他往必坐俟之嗟乎府君儒生耳行不
致則聞不孚德不可以挹取則禮不可以洵加陳公者忘
分下士脫然世俗之表而猥施禮遇久且益隆其投契必
有以也代旣降矣王公鮮禮士之風守牧闕延賢之典心
知其賢而倨不能降節不可折也 者所爲豈習見於今世
之人哉吾以爲陳公者尤賢官武崗幕清約自甘遷名
無道路費刺史蔣君憐之適有妓院當撤諷之市賄纔發
語見府君面赤已之自爲餽數十金以行至江陵不給則

苛家逆旅舍獨住歲餘蕭然歸屏居村巷課讀督 而已
治家嚴躬率以謹厚循理不敢使一念獲罪於天故於事
之成否常斷以理人之休咎恒必以天往往不失尺寸其
篤信而不敢屑越實有証云邑人嘗讌客同儕中有故爲
失禮者其先實有數百金負歸而偶與先君言之且戒曰
勿令而兄知也彼儂薄向人言之矣其處念每如此生正
德庚午年二月初五日卒萬歷壬午三月二十四日年七
十三先君攷績贈鳳陽府通判配李氏贈太安人太安人
萬歷丙子七月二十七日先府君卒病且革謂先君曰必
葬我衛水之陽旁女書舍我覓魄長依女丁丑葬茲西原

衛輝府志

卷五十二

墓表

十一

壬午府君卒將謀改卜重違遺言旣安厝矣宅兆未卜姑爲
待之而誌銘未備先君奄忽棄世可勝痛哉形家者流僉
謂吉天之報施善人若是與人事何與也因絮淚列次據
所記聞表之墓左特其大畧云

明郭澆伯兄松石先生澇墓表

余祖名山縣主簿後山公之仲子爲余父蘓州府同知瞻
公配余母王宜人而生男四長伯兄諱澇字伯方號松
石縣學廩膳生員次仲兄諱滄禮部右侍郎兼翰林院侍
讀學士贈禮部尚書次叔兄諱滌鴻臚寺序班次澆伯兄
長仲兄二年伯兄童時相携就學居然異乎他兒也後相

繼有聲諸生間將應省試而時大疫伯兄疫沒仲兄於是秋舉於鄉今四十餘年矣伯兄之墓木已拱而余父母之墓在輝縣趙壘村仲兄有賜葬於魯保村叔兄附焉獨伯兄子然依余祖之墓之右是豈可無一言勒之石示余之後世乎伯兄生於嘉靖辛酉二月二十四日終於萬歷戊子六月二十八日年二十有八時余幼小不能詳記其言行而余父母兄皆棄世無可問者伯兄之生皆攻苦舉業之時亦無多可記記余母言伯兄之孝也記不詳者姑缺詳一事余祖母病不食而忽思食生穀時穀未熟也余母急求之不得而伯兄採之野得數穗若將熟者歸而余母

伴舊穀爲粥余祖母食之有新穀之味焉余母竭心力事祖母每如是而伯兄竭心力稱余母之志也其他亦類是性端方而慷慨余兒時記其見之匱急卽捐已之有濟之畧無難意記其與仲兄同試仲兄冠羣生而伯兄不與入學縣令將爲請乃伯兄歸矣問之云吾不願爲求得之秀才也此可槩余伯兄之爲人伯兄之幼端凝而仲英敏皆異材仲兄官詞林三十年究心國務自國有遼難以來言出皆歷歷驗目擊遼沒卽上疏言國之要急而驅車北上當時風聲大惡驛路止仲兄一人携家北而餘皆南及送南者忠憤蓋馬及都門而沒有志者皆惜曰如假

之年其經綸克有濟於斯時而余伯兄若長年其所就豈不亦有可觀者乎更可惜矣伯兄之配王氏先伯兄一年沒生一女在伯兄沒之前一月沒天覆地載而世遂無余伯兄之育可痛也夫伯兄沒後余父哭之痛命余曰竭誠時祀之則彼之神存後余父在太學思家信不得而夢見伯兄無言而手指月余父曰於是月之杪當有家人至已而果然余母哭之痛時夢見之有言皆非偶然一日夢見之語余母曰無哭矣看吾弟吾弟後當作尙書後果然是皆可異者余母終之年持伯兄藏衣巾之箱在祠堂者之鑰付澆兒士柎曰吾交爾爾時時祀若伯可痛也夫余父母

衛輝府志

卷五十二

墓表

十三

之志念伯兄之無祀也凡吾子孫世祀吾伯兄內則其祠外則其墳必誠必敬毋但以文行山如屏衛水如帶永焉爲期舉酒以酬

國朝魏象樞孫徵君墓表

康熙十四年四月二十一日徵君前明舉人孫鍾元先生卒其年冬十月葬於輝縣夏峰之東原又八年蔚州魏象樞表其墓曰先生諱竒逢字啓泰鍾元其號保定之容城人大父臣嘉靖辛酉鄉薦歷官河東鹽運司運判父丕振邑諸生先生年十七舉萬歷庚子鄉試與定興鹿忠節公善繼爲友以聖賢 期勉忠節家江村先生家北城相去

三十里雖風雪暑雨過從無虛日討論濂洛之旨而
六經發爲文章皆自抒心得不屑訓詞章也性至孝連
丁父母憂哀毀成疾喪葬一準古禮備兄弟結廬墓次者
六年巡按御史以聞下詔旌焉家故貧饗殮常不給有巨
室以金粟餽者婉却之一日與鹿公講學自晨至日昃蒼頭
持豆麵作羹以進怡然無不足之色嘗言從憂患抑鬱中
默識心性原本生平學問實得力於此天啟末魏忠賢竊
柄荼毒正人左忠毅光斗魏忠節大中周忠介順昌先後
被逮三君皆與鹿公爲友於先生有國士之知時鹿公贊
高陽孫文正公軍於榆關先生遣弟竒彥上書高陽曰左

衛輝府志

卷五十二

墓表

十四

魏諸君善類之宗直臣之首橫被竒冤有心者誰不扼腕
昔盧次梗一莽男子耳謝茂秦以布衣爲行哭於燕市曰
諸君今不爲盧生地乃從千載下哀而弔賈乎李獻吉
在獄何仲默致書楊文襄求一援手康德涵至不自愛其
名左魏之品可方獻吉非次梗所敢望某一介書生無由
哭訴尙慙茂秦閣下名位比肩文襄豈致出德涵下乎高
陽覽書卽具疏入朝面陳軍事將爲諸公申救忠賢聞之
謂高陽興晉陽之甲夜繞御床而泣乃馳詔止之時左誣
賊二萬魏周皆數嚴期追比三君子皆清白吏以應
而忠毅舊爲三輔屯田使有嘗督學畿內門下士

少需民大闕前令惶遽公出諭卽以充正賦乃安堵辨死
獄旣成者二革積弊十六條邑故荒殘蔡村陽乎東西衛
逃亡尤衆公招徠給牛種而緩其徵歸者相踵鄉鎮水道
及市集爲隣邑豪者盡復之稷人里爲祠歲時聚拜康
熙四十二年行取補禮部主事尋擢工科給事中方欲設
張忽中風痺遂告休公友弟聞於鄉事繼母誠孝奔喪慟
絕數日後始知次子新喪嗚呼觀公之質行吏治信可謂
修飭之君子矣然非俊求表而以鄉人崇祀之籍來雖久
故如苞亦未之前聞也昔李翱曾鞏嘗歎魏晉以後文字曖
昧雖有殊功躋德非常之跡亦閤鬱而不章而余考韓歐

衛輝府志

卷五十二

墓表

十七

諸志銘其親知故舊或以小善見錄而衆載其言用此知
沒世之稱亦有幸有不幸焉廖公治休寧及居 中列九
卿皆有聲惜余從游時未叩其詳後各分散道里遼遠喪
紀莫通獨居私念未嘗不以自咎也以余恨於廖公之無述
則俊之請又惡可得而辭公諱泰兆字子交河南新鄉縣
人康熙乙卯舉人已未進士卒于康熙五十年三月十七
日年七十有四祖諱四肢廩生父諱策順治丙戌舉人通
經學喪祭一遵朱子家禮 贈奉政大夫祀鄉賢母王氏
贈宜人妻郭氏 贈宜人繼楊氏封宜人子三人中振
擢皆庠生早卒中掄郡廩生孫三人 國子生俊郡

中戊午舉人于熊雍正甲辰進士公以康熙五十二年十一月十八日葬於邑之北鄉平原宜人祔江東門下土方苞述

國朝殷元福張公來章墓表

嗚呼此新邑國學生候選州同知張公之墓碣也公諱來章字載見號暘谷世爲新邑著姓本生父諱如蘭邑庠生三從父戶部郎中蘿月先生卒於京邸無子族議賢以公繼焉時八歲蘿月先生司空坦公先生之從子也諱欲含時司空謫肅慎而農部又卒家業式微九首百足之徒磨牙睽目多方覬覦公器宇凝定識者知其不可撼云又好

衛輝府志

卷五十二

墓表

十八

客喜士振貧扶弱一時號爲小孟嘗司空公卒於謫所康熙三十六年逢 覃恩例應歸骸而部議頗有異同時司空冢君望江公出塞經理勢難兩顧公謂機不可失緩則誤事慷慨北上瀝懇當路卒得請而司空得遂首邱公絕口不言勞邑至今稱之鄉先達爲祖若父輩行皆折節與交先是公之過房農部也祖妾李氏才且賢實飲食教誨之李卒公哀感路人雖六旬餘言及李輒涕泣几成法不變必曰庶祖母嘗云如是余心儀之以爲似公安袁中郎郎於庶祖母詹氏解官終養文辭懇切與令伯陳情表壽天壤而公與中郎仕隱殊轍故中郎之事顯而公之

幾晦又公以孤稚持門戶未及博學不克辭以達志如中
郎爲可惜耳然抑塞盤鬱之意若耿耿不能下今似君猶
嗚咽感慨於李之德亦可知其聞於過庭者稔矣余故爲
公闡幽以爲卽此一念可貫金石而他日之營歸司空妥
魄家山皆此一念爲之根柢也而或謂禮父妾無子嫡子不得
稱爲庶母況在於孫此膠柱而鼓瑟也若所言中郎豈不
學者哉兄玉蟠先生稱詹姑而已稱庶祖母語固各有當
耳公蓋暗合乎禮以義起之文矣配任氏公嘗稱其爲新
婦遵李指畫不敢忤自秉闡政條分縷析井然有法能終
李之志前公卒合葬王岳營舊阡公世系子姓卒葬歲月詳

衛輝府志

卷五十二

墓表

十九

行述茲不具載銘曰好客自喜人號孟嘗紀羣之間遊多
父行余擬其神謂似中郎中郎有筆公志未詳後之子姓
展墓者尙知仁孝澤長而生氣之不亡

國朝張大有新鄉殷公元福阡表

君諱元福姓殷氏先世山右鳳臺人始祖茂遷汲郡新鄉
縣曾祖科績學早世妣梁孺人祀衛國節孝祠父祚蕃文
行卓越著聲膠序卽學者所稱祿伯先生者也君誕時祿
伯先生夢神語賜五福兒因以名君字曰夢五君生有夙
慧八歲通四書小學近思錄十一歲而五經紛綸矣其爲
制藝取法先民不逐時趨遠方問業者爭湊而至莫不以

君爲工於文二十有二鄉舉冠多士明年以進士官翰林其爲詩攄懷肖物和平溫厚館閣諸英交推瘳和又莫不以君爲工於詩康熙丁丑 聖祖仁皇帝擇詞臣堪膺民社者俾爲令長於時君得粵西之柳城癸未兼縮融縣篆甲申丁母憂去官己丑補得江南之武進癸巳兼縮無錫篆及督捕水利別駕仕凡二十年懸車而歸展拜先墓持終身之喪焉其宰柳城也重農興學變澆風毀淫祀首于蠻烟蠻雨中舉行鄉飲酒若賓興禮猺獞環觀卽願就學焉立義館堡目田主各率子弟就塾肄業獠徼如此秀良可知也其他異政種種于古無前去之日野老婦孺奔號

衛輝府志

卷五十二

墓表

二十

攀畱舟不得進者數日隨立祠祀之其宰武進也吏以君書生迂謹捧牘嘗試君裁決如流咄嗟之間部署宿牒數十事發奸摘伏明遠若神賊吏蠹役悉置諸法武邑額賦十萬積逋且數十萬詭寄朋侵莫可窮詰君從容釐剔條分縷析後來者奉以爲法去之日邑人亦立祠祀君遙與柳城相望司月旦者以君爲粵西之慈母而爲江左之嚴君抑知同歸殊途慈母嚴君其本一也謂君之工于詩與文者猶是也羣飲于河各充其量而已高安相國朱公撫浙開敷文書院甄陶吳越多士以君爲之師有德有造絳帳白鹿于斯爲盛君學優而仕仕優而學著述數十種羽翼

聖賢坐而言皆可起而行門弟子刊在於世故弗論著
餘德軼事多詳家乘暨志中余與君爲同年友知之最深
慕中郎之義以有斯作其辭曰古汲郡水黃河山蒼
山毓偉人希明道希伊川惟孝友居家理治移官學優仕
仕優學功循環爲神君爲慈母民所便尊碩師取良友士
則旃 文人曰詩伯窺一斑其生榮其死哀有以焉謹載
筆勒君德萬斯年

國朝重漢儒董講妻李氏貞烈墓表

先大天卒之明年是爲嘉靖二十四年五月下旬弟婦王
氏卒弟漢傑侍廩芹泮以父喪董治墳墓弗獲調理有子

衛輝府志

卷五十二

墓表

二十一

講年十九歲以篤實醇確之資有志聖賢之學見母王氏
病其食之上下色之憂喜湯藥之嘗床榻之侍几所以事
奉者悉盡心焉母病篤不忍舍講以手執講手張目硯視
頃之氣絕仍未放講因母故後夜則合目卽見晝則望眼
欲穿憂思成疾臥床三月於本年十月二十七日而卒婦李
氏丙戌進士李君凝忠之姪典膳李君凝善之女庠生李
棟李梓之姊妹也年甫十六娶方數月吾母太宜人叙其
溫良沉靜慎而寡言匪但鷄鳴之勤女工之善且孝於姑
舅 於夫子上事祖母太宜人太宜人許其賢氏見講
遂無意於人世面垢頭蓬矢心以死自誓諸母勸其

理家事氏曰夫在家計件件皆爲我有夫不在天地皆非我 况家計乎偶瞽婦丐至能說古今賢孝言及史愛女爲夫死節氏歎曰此正吾之事也彼未于歸尙能如此况已成夫婦者乎裂裙布二幅賞之見僕人飼馬語諸母曰好馬不背雙鞍烈女不嫁二夫世之夫死改嫁者寧不有愧於馬乎諸母訝曰汝有此志異日與汝立牌門氏曰只了我一身清不管他門不門時值天寒勸授綿衣氏曰夫病若此安忍授衣見與講制棺氏曰前此猶望痊可今若此絕望矣飲泣不能言以後絕不飲食諸母以爲疾授以藥餌亦不用諸母令檢講衣衾爲送終之備氏先將已之衣物貯之箱獻於諸母且曰此物今日與汝別再無用汝時矣後將講之衣服檢出嗚咽不已講體狼狽頭繞蟻虱氏撫 首捫而齧之曰虱多不禁一嚼我獨何愛一死意蓋輕生就義也講將母所遺錢數百獻於外婆曰遺命顧養天乎今不能矣氏亦將前日姑没伊父母所送孝布二端獻之諸母曰留此汝夫故作孝衣氏憮然曰今日爲夫服孝衣他年猪狗也不如意蓋與之同死也講臨死氏覷面問曰我欲先死恐汝生反爲無益汝旣不生我決與之同死今世不得爲夫妻死則爲夫妻今不死再無可死之死 一錢不值犬彘不食其肉矣講點頭許之氏失聲

諸母以下咸哀之夜子時講卒氏乘閒亦自縊而死
丑時也越一時而夫婦俱亡嗚呼痛哉死後三日氏之父
兄女眷視之神色不變凜凜然猶有生氣蓋得之天全故
耳及視前所獻箱中衣物凡夫家所制者依然如故其氏
父母治裝之物盡毀裂之以示無復用意隣里親故初以
氏之死爲慷慨殺身孰知從容就義其見之素定有如此
伯父漢儒哭曰子之爲婦日淺齒尙冲幼仗節死義見之
真切原其本雖出於良知而儀型之化未必非本諸伊伯父
兄弟文獻之風有以起之也吾母太宜人哀其死不忍泯
沒命漢記諸墓表乃揮淚爲之銘銘曰致貞死節致孝殞
衛輝府志

卷五十二

墓表

二十三

身節則殉夫殞爲思親巍巍婦德哀哀子心一念良知千
載彝倫夫孝婦節汝死猶存痛汝弗庇慰汝以文
國朝朱軾殷公祚蕃阡表
昔成湯以商代夏盤庚遷殷史冊殷商並稱無異微子以
殷王元子封于宋孔子宋後自謂殷人殷之受姓固古聖
苗裔也而新鄉之殷則自澤州委定理遷縣南永城店爲土
著八傳至隱君科公祖也科生時雍郡增廣生是爲公父
公諱祚蕃字祿伯生而穎異不凡母李早背依祖母梁
句讀于床第間輒能上口稍長就家塾過目成誦不
者爲小顏子年十二應童子試學使者閱所作

歎曰年冲而識老未易才也拔未冠第一嗣是文益
且日起而公岸然以大儒自期待時取小學近思 地
不釋手曰此作聖門戶吾當奉爲嚴師徒濡首青紫之需
非夫也人以是益竒之十五增廣公捐館舍公至性過人
哀毀欲殞祖母泣諭之曰爾任至重孀母弱弟何弗思乎公
抑情節哀葬祭如禮服闋妹于歸悉出元配曹太孺人奩
中物爲粧具時歲方歉衆難之公無恹色祖母喜曰若可
謂識大體矣教兩弟先後入庠勞逸與共弟以食指繁謀
析爨從便公推貲產與之自饜以館穀繼母鄭太孺人之
養則 專委所生家政井然長幼尊卑各循其分無所乖忤

衛輝府志

卷五十二

墓表

二十四

書云惟孝友于兄弟施于有政公允蹈之矣繼母有弟以
讐誣被逮公挺身代辨太守叱其多事公曰本母命辨舅
寃何爲多事竟獲昭雪跡其生平雍容樂易訥然不輕出
語而義烈無選愞態蓋大儒有體有用之實學克展其才
建樹未可量也食餼三十有八年艱于科名亦不屑意與
劉君子靜爲同心友當公病革子元福方總角援手以
子靜曰恐讀書種子繼絕敢以藐孤累足下命元福拜
曰他日不奮志讀書甘自暴棄生無拜我墓側死無
地下子靜流涕受任其後子靜設帳于家則延元福

又或館穀于外携之同往晨夕不相違故其學成

而獲雋早在托者爲知人在受托者爲有信論者擬之張元伯范巨卿不啻過之卿大夫擅人倫之鑒者嘗曰殷祿伯德器渾成黃叔度之流亞也其爲名流推重類如此予謂公之生賦兩間清淑之氣獨多率其性真卽爲正人君子而又沉浸于小學近思錄諸書探先儒之精蘊始而趨之正終而造之醇士林宗焉鄉閭化焉至今嘖嘖人口古云蓋棺論定今輿論定而品行昭矣老於青衿爲不遇享年五十有七爲不壽以子貴膺贈典傳之無窮則亦未嘗不遇未嘗不壽也元福字夢五癸酉解首甲戌成進士授翰林院庶吉士與余爲同年友官京師迂拙同臭味過從

衛輝府志

卷五十二

墓表

二十五

甚狎因子知父爰掇其學行彰彰者表諸隧道後綴以銘銘曰盤庚建國殷號伊始姓氏傳香英賢接趾自澤遷衛定居仁里十世深培家聲隆起公具慧性受書床第未及舞勺已稱佳士硯田自供無缺甘旨孝友同推洋溢遐邇學宗儒先滌穢融滓鬱于其身鬯于其子中秘恩榮 綸章寵被公德是宜受之非侈執友曰劉范張堪擬托孤有終交全生死旣昭輿論將垂信史餘風不泯水流山峙

墓誌銘

唐魏徵邢國公李密墓誌銘

觀夫天造草昧之初有聖經綸之始原鹿逐而猶走

飛而未定必有異人間出命世挺生負問鼎之雄圖鬱拔山之壯氣控御英傑鞭撻區宇志逸風颭勢傾海岳或一丸請封函谷或八千以割鴻溝夏殷資以興亡楚漢由某輕重懋功隳乎將立竒策敗於垂成仰龍門以摧鱗望天池而墜翼求之前載豈代有其人者哉公諱密字玄邃隴西成紀人自種德降社宏道垂風道碧海之長瀾竦閭峰之遙構家傳餘慶明哲繼軌論文德則弼諧舜禹語武功則經綸秦漢其餘令望且公且侯垂翠綬拖鳴玉者蓋亦者舊未得盡傳良史莫能詳載矣曾祖弼周大師上柱國衛公祖擢周太保魏公父寬隋上柱國大將軍涼州總管

衛輝府志

卷五十二

墓誌銘

二十六

蒲山郡公匡周之美呂望愧其嘉謀平吳之功杜預慙其遠畧公渥注龍種丹穴鳳雛降列象之元精稟成形之秀氣雲生五色一日千里起家左親衛尉東宮千 脩身趨馳武帳輝映廊廡出入龍樓光生道路隋文帝精華已竭義不斷恩始開凌長之源將致覆宗之禍公見機而作病言歸優遊經史晦明藏用風塵靡雜賓友簡迎交必一時之俊談必霸王之畧尚書令景武公楊素崖岸峻峙資宏亮壁立千仞直上萬尋嗣關西之孔子追陝東之旦深謀遠鑑獨步當時公年甫弱冠時人未許景武風神稱其傑田乃命諸子從而友焉結以始終之期

之分暨有隋二世肆虐黔首三象霧塞五岳塵飛妖
所臻匪維血落星隕怨讎所動寧止鬼哭石言轍跡遍
于天下徭戍窮于海外冤魂塞宇宙白骨蔽原野墳壟發
掘城郭邱墟萬里簫條人烟斷絕公與楚公叶契共拯橫
流未息濱海之波幾及昆岡之火亡自道中竄身草澤奮
臂大呼羣雄響起豹變梁楚鳳翔鞏洛據敖庾而塞轘轅
登太行而臨白馬九服諸侯四方豪傑或跨州連郡或稱
帝圖王合盟締交爭亡秦族者莫不驅茲青犢背彼黑山
擊長戟以雷奔望高旗而電集不期而會者以百千數遂
大開幕府肇啓霸圖敷七德以宣威掩八紘而取士鱗羽
衛輝府志

卷五十二

墓誌銘

二十七

畢萃草澤無遺於是發人文以化之播仁義以乘之應時
機以鼓之總羣策以決之九野風馳六合雷駭彈壓趙燕
振驚江漢世充甚昆陽之敗煬帝同望燹之禍化及師殲
於黎陽建德稽顙於河朔七國之地四爲我有五都之所
三在域中獵騎千羣長戟百萬飲馬則河洛可竭作氣則
嵩華自飛近無不懷遠無不肅聲溢寰宇威懾中外屬人
神之乏主以天下爲己任荒裔佇來蘓之望遺黎有息
之思雖實下民伊賴然非上帝所臨壯志展於人 雄
屈於天命始先鳴於大樹終垂翅於羣 乃眷西
夏載驅周道來謁承明帝曰念功降茲休命上柱國

國公拜光祿卿公雖威未震主自爲謀蓋當世舊部先
多出其右故吏後來或居其上懷漁陽之憤憤耻從吳耿
後列同淮陰之怏怏羞與絳灌爲伍負其智勇頗不自安
俄屬元帥秦王經營灑洛公亦親承秘策率卒先行旣出
鳴鷄之關方次休牛之寨詔令旋旆更盡嘉謀公想雲夢
之僞遊慮青衣之詐及心辭魏闕之下志在江湖之上慕
范蠡之高踊追赤松之遠遊熊耳峰危羊腸徑險降吳不
可歸蜀無路短兵旣接修途已窮陰陵失道誰展拔山之
力騅馬不逝徒切虞兮之歌臨陣喪元時年三十有七故
吏上柱國黎陽總管曹國公徐世勣等表請收葬有詔許

衛輝府志

卷五十二

墓誌銘

二十八

焉公體質貞明機神警悟五行一覽半面十年雅善書劍
尤精文史輕一夫之勇學萬人之敵至於三令五申之法
七縱七擒之功出天入地之竒拔幟擁沙之策莫不動如
神化應變無窮負縱橫之才遇風雲之會望紫氣以驤首
凌扶搖而振翮總不召之衆問獨夫之罪從我如流三分
將二遂有囊括四海之志併吞六合之心旣而神器有歸
朝宗天闕率從義之旅爲勤王之師更以名重自疑功高
是懼將遠遊以逃難翻途窮而及禍惜乎高鳥未盡良弓
遽折敵國猶梗謀臣已喪天子過細柳而興嗟聞鼓鼙以
軫慮雅重事人之節方申詔喪之禮粵以武德 年某月

日葬于黎陽之西五里之平原禮也故吏徐世勣等或同
嬰世網共涉艱難感意氣於一言託風雲於千載所恨并
發唐代不列元凱之功俱爲漢臣獨漏山河之誓是以慟
深樂布悲甚向 慮陵谷之推移勒斯銘于泉戶庶使神
遊楚國無慙項羽之臣魂往齊都不愧田橫之塚乃爲銘
曰如馬唐臣猶龍周史宏 百世邁德於祀帶地深源極
天峻峙玉種逾潤蘭芳不已成形騰氣成象降精餘慶種
美惟公挺生少表竒智早擅英聲符采發越志畧縱橫隋
道方衰始聞凌長覩茲兆亂緬然長想閉關晦迹招弓莫
往盤桓利居不嬰世網運否道消時逢改卜朱旗爰指紫

衛輝府志

卷五十二

墓誌銘

二十九

靈已哭野戰羣龍馳走原鹿競窺周鼎爭亡秦族時遭蠖
屈運偶鳳翔劬勞百戰經營四方振蕩六合牢籠八荒始
聞楚霸終基漢皇羣雄並起莫恢王度聖人旣作皇天乃
顧爰自東夏言遵西路來擬竇融寵逾英布爵窮五等位
登九棘帷幄叅謀高衢騁力海運方遙圖南未極縱壑摧
鱗摩天墜翼熊耳失路新安殞身長男喪楚少女留秦驚
魂靡託反葬何因列樹松檟唯餘故人

唐秦貫滎陽鄭府君遇博陵崔氏合祔墓誌銘

鄭之先自周皇封舅之地因而氏焉別派五流深源遠
是以滎陽之望得爲首稱其下公侯接武台衡繼迹雕

綉軸之榮羽蓋朱轡之盛由魯史記迄于唐春秋實鄭氏
爲衣冠之泉藪也高祖世斌皇左司郎中磁隰二州刺史
新鄭縣開國男食邑三百戶曾祖元嘉皇新都長水縣令
襲封新鄭縣開國男祖有常皇吏部常選襲新鄭縣開國
男烈考探賢皇魏州昌樂朝城莘縣令府君諱遇字行甫
皇試太常寺協律郎文業著於當時禮義飾于儒行少有
倜儻之志長負瓌琦之名不苟譽以求容每親仁以竭愛
爲中外模範成友朋宗師樂善孜孜不愠知鮮量苞江瀆
氣合風雲今之古人人唯上士神不優德配壽胡羞先夫
人之亡蓋世一霜也享年六十夫人博陵崔氏令門清族

衛輝府志

卷五十二

墓誌銘

三十

餘慶承善四德兼脩六親雍和仁讓得於天真慈惠立于
素尚母儀內則動靜可師禮行詩風進止成法雖媿好女
史大家經教承之於諷習推之于行源者亦異代殊人其
歸一旨未亡之嘆孀齡杳然玉没何先蘭彫遽至以大中
九年正月十七日病終于淇澳之私第享年七十有六以
大中十二年四月二十七日合祔於先塋之側其鄉里原
隰之號載於舊記此闕而不書女一人適范陽盧捐之嗣
子六人長曰瑱攝汲縣丞知縣事早亡次曰珮早亡次曰
瑾次曰玘次曰璿次曰琬咸繼遺芳克修至行銜哀茹毒
追攀罔極將營護定泣告於業文者爲之銘云仕門雙

美兮令德咸芳甲族齊盛兮英華克彰允文武兮書劍名揚蘊儀度兮閨門譽長珠沉玉沒兮人誰靡傷桂殞蘭凋兮共泣摧香垂修名兮允謂不亡傳盛事兮多載彌光聽悲風兮松韻連岡刻貞石兮永志元堂

宋李琚杜公式墓誌銘

于正諱式鄆州須城人也少喪父母耻家世湮汨慨然白嘆曰行年將壯恨不留心經史以取富貴吾嘗有志於西北但未能舒素願耳然朝廷取士之路亦多若名籍仕版功名何難之致家雖積萬視若浮雲會邊用匱貢獻異常仁宗閱其世系乃昭憲之苗裔優拜左侍禁適沂州羣盜

衛輝府志

卷五十二

墓誌銘

三十一

嘯聚良善被害境內爲之騷然上方急於

公以才武

遂除沂州穆陵關巡檢公職居捕盜訓練士伍朝夕爲備以待不虞一日寇至受命亡家身矢石寡不敵衆我師敗績殲於賊刃乃慶歷六年七月十一日也享年五十忠義之節屹若山立大志未伸奄忽淪亡此真不幸也仁宗聞之以爲惻然特贈率府副率錄其一子曾祖灌祖練父可成皆積德累仁不仕於朝公後以子貴累贈左監門衛將軍娶王氏贈仙居縣太君男一人曰紹皇城副使克紹先烈爲時名將天若假之以壽其宏謀遠畧異日之功豈可量也女四人皆已出適孫男二人曰大忠任三班

職環慶路第二隊將次日大有未官孫女四人長適三
差使楊建次適宋剛中次適進士王仁裕次尚幼曾孫男
一人曾孫女一人皆幼以元祐元年丙寅歲五月戊辰朔
十六日壬午舉公之柩合夫人王氏葬於衛州共城縣楊
閭管常村之原此所謂能當其大事者也据與公里閨之
舊嘉其志而憫其情遂爲之銘銘曰惟忠與義人之所貴
屹屹杜侯才博氣銳秉節不同殲於賊鋒凜凜其志秋霜
嚴風天子念之錄子旌忠力不逮衆非智之窮誰卜吉麓
賢孫嗣公作此銘詩藏之幽宮

宋秦觀元祐狀元李公當寧墓誌銘

衛輝府志

卷五十二

墓誌銘

三十二

元祐三年春三月上始臨軒策有司所貢士被選者凡數
百人而廩延李君爲第一君諱常寧字安邦自嘉佑中舉
鄉進士數爲春官所却至是始獲奉大對於廷上刺六經
之文旁獵百代之言下通當世之務其詞與衍有漢唐之
遺風進御一讀遂爲舉首天下莫不異之是時朝廷耆老
謀王體斷國論者皆累朝舊臣君於斯時年踰知命哀然
得雋於翰墨之場世以爲萬戶侯如契券取也而君釋褐
授宣義郎簽書鎮海東節度判官是歲六月以疾卒享年
五十有二有司以聞詔賜錢二十萬卹其家天下莫不
之君困於科舉蓋三十年其得名宦纔數月爾嗚呼何

之難而賁之易邪然君子疾沒世而名不稱焉君以生崛
興名動海內其視碌碌無聞而歿者亦可以無憾君結髮
學問晚而彌勵事親孝於二弟友愛爲人恭儉潔廉其取
予一毫不妄也曾祖諱益祖諱知進世居開封廩延不仕
考諱昌始仕爲從事郎鼎州司戶叅軍夫人秦氏先大父
承議之女也後君四年卒雖除君喪猶布衣蔬食以終其
身平生端烈類如此子二人長曰弼有學行次未名女二
尚幼以卒之年塋於開封府雍邱縣大善鄉裴村西谷山
村之原先府君之兆初君襄事期迫不暇納幽堂之銘逮
夫人祔塋始纒納之銘曰帝初臨軒策士於廷有器晚成
衛輝府志

卷五十二

墓誌銘

三十三

冠我羣英大道孔夷其御又良閭闔玉堂行矣翩翩慶者
在門吊者在閭胡亟只且世爲嗟吁如霆忽厲風雨奄至
俯仰而闕孰知其自大椿久榮朝菌暫敷竟復何殊同于
空虛情渠之孺杞國之疆佳城蒼蒼刻文是藏

元姚燧白僉事棟墓碣銘

彥隆始由太原徒行至河內致其父書魯齋先生願游其
門未有介也乃因吾友翰林侍讀高凝得操几杖主凝家
二年而歸侍其親而先生亦召北矣尋由避宅左揆以集
賢館大學士祭酒學教貴胄乃奏召舊弟子散居四方者
以故王梓自汴韓思永蘇郁自大名耶律有尚自東平孫

安與凝燧燉自河內劉季倫呂端善劉安中自秦獨公自太原十二人者皆驛致館下三年吾儕或瘖告而先生亦浩乎其歸乃奏有尙與公從仕郎國子助教昔者貴胄友也一旦能橫經下心事之爲師聳是曹不可得其馴然北面俄侍裕廟東宮以國史編修從仕郎仍助教擢奉訓大夫監察御史發呵合馬贓貪諸不法又糾鷹師西京宣慰使倒刺沙皆庸懦縮首尾者而峻風節者咸偉之出僉陝西漢中道提刑按察司事公位憲諸君下會王相府白不花右丞勲臣子開省京兆特異禮公其按臨諸司皆拱聽者改僉河南河北提刑按察司事云云又改僉燕南河北

衛輝府志

卷五十二

墓誌銘

三十四

道提刑按察司事趣裝其考已疾行至衛而卒公與兄楹卽藏衛西輝之蘇門周卜村南原而其妣亦疾乃朝夕哀死事生卽教授於輝明年燧召直翰林感其毀瘁骨見衣表吊哭之予其徒數十人拜庭進退朋讓賓敬之道囂囂然先生成法也爲嘆曰嗚呼燧亦先生弟子者何嘗有以善及人如是明年燧疾滿告歸鄧而故司農卿侯爵託語彥隆或河南北農副制下必墨縵以出世議隘薄自便非時燧傭車過衛不可留不得身見爲書語其然聞方督課有績其如亦卒祔其考墓竟以是謝所事以至元己丑秋八月三日年四十六卒苦廬嗚呼學可以範世行可以勵俗

而已是哉夫人賈氏以燧平昔善公緣河南北道然者也
使苟宗道理辭求銘神道每一讀之一枚淚擲筆公皆有
不能叙其事去冬以史事又召入翰林過輝夫人訓公竟不
夫人爲言且使其子覃馬與遊其門者庭拜嗚呼氣英爽
義行家能使夫人如是切切惟恐没其夫子一善謂之曰
已公諱棟考天祿雖官而不顯居頤樂堂號頤樂公聞之
曰聞古五十年不稱天公是不盈天道未曉學不早歲能
譽先師道不行耶裕廟常知職不舉耶三憲著效以諸生
耶耕播之教况冠獬角敢言人難彈射柄臣聽者督學復
牧其外未及其內視親於喪觀婦於介靡一匪善道之笑曰

衛輝府志

卷五十二

墓誌銘

三十五

涼非我友私月旦章章嗚呼白公耳孫猶令其貫之者士
遠滋勁士不盛位而盛吾賢盛位者衰盛賢日延民約有
跌有剡其首碣石阡隅千祀不朽
境有大

明趙南星光祿寺少卿馮元靖墓誌銘

安肅庶

今上欽明寬簡侔德堯舜冲年踐祚江陵擅權旣也泉布
之疾用賢圖治幾臻上理執政者弗便也漸售其否邑極
私爲權除不附已者而佯救之以卸過公論不容皆姓者其
去太倉之負恩遇尤甚上遂厭薄臣下以無人貶者考最
不復用羣司幾盡執政具員耳封事一切不報二調吏部
省恒詠其所不悅勢不得復留輒去於是大臣口省故元

惟其所欲爲丁巳內察名士皆不得免馮元靖其褒勸農副
元靖名上知獲嘉人世爲顯族祖一泉公父司訓數年終
才學剛心疾惡一泉公爲諸生得罪邑令被斥司祈世母
得鄉舉詳具余所爲司訓公墓志中元靖生而神非公仁
孩提時一泉公偶有所督過司訓公元靖之姑母可曰賢
卽而祖撻若父母奈何元靖應聲曰皆代之一泉先生銘
喜忘其所督過也一泉公猶及見元靖鄉舉元靖篤耶得
文秀蔚超特爲諸生時督學王公乃太倉相之弟力不本
試藝寄太倉太倉使問之曰馮生甚竒何不首乎毛寒猶
曰固知之恐其年少易驕耳及成進士見太倉具靡一可

衛輝府志

卷五十二

墓誌銘

三十六

余鑒不爽也試爲安肅今上官無不一見而敬異古松歲
民無不一見而親愛之者積猾大豪人人斂戢與有方其
侵寃者得非時入告令與所告俱至卽訊決之鄰
獄及累年不結者上官悉以下安肅訟者固願之

得覩白日又無淹繫無疆禦之枉撓吏卒之求索而天去
之輸於郡中者胥吏勒取增羨以爲常至安肅獨惑術以
衝又近京師多驕貴絕不厨傳稱過賓有御史陳被惡名
子應秋試用馬太多裁之幾輔吏治行無先元靖黜相繼
後陞戶部主事無何調兵部丁酉使典楚試俄而三見臺
往時分較者所取士主司不敢動以其人當爲臺乎唯阿

靖乃一一閱其文或否則求諸擯落者以是號得人試畢
讌鹿鳴矣而直指趙文炳私讌之文炳宵人也起家鄉舉
恒恐人輕之而元靖又新吏部其視之無非輕已者文炳
曾劾蔣吏部時馨削籍甚當而時馨善結納多爲稱寃者
富平孫太宰老而愎極力救之不能拔文炳懼遂上疏以
劾時馨非臣之意乃爲兵部侍郎沈思孝等所誤以此求
見容至是向元靖言蔣公君子也余劾之悔甚元靖曰何
所聞而劾何所見而悔文炳旣不勝愧恨而是時同年麻
城游令吏部已擬臺省矣文炳欲敗之示風力元靖適語
及之甫去則飛章言元靖枉道出麻城受游令二百金爲

衛輝府志

卷五十二

墓誌銘

三十七

作說客元靖抗疏得旨竝劾而文炳俛同儕爲言直指與所劾並
勘傷憲體乃釋文炳及勘者具言麻城非枉道受賄事無據明白
矣而吏部猶覆調南京元靖家居遭司訓公之變服闋而起南工
部陞戶部郎中求使事歸而遭張太安人之變皆得盡其誠信庚
戌服闋起北戶部郎中時宮殿爲孽火所燒正陽門樓又災元靖
上疏言陛下聽小人之言鏹山摧市貂璫四出發天地之藏侵細民
之利悉歸於御府使海內竭涸億兆咨嗟加之饑饉薦臻
流冗翳路其壯狡者悉聚而爲盜又九邊軍餉不以時給
恒多虧減而山西三鎮三年之間負欠至八十萬此皆執
戟挾弩易於作亂今食旣如此矣一旦內外交亂朝土中

孰爲伐謀折衝者乎城門一閉臣不能爲陛下計矣疏入不報時臺省氣甚張直欲令人匿影遠避見之當垂頭結舌無論不敢撻之卽言及國家事如蔡翰林毅中沈比部應奎皆爲狂妄立去之元靖乃昂昂樞樞以人倫清議爲己任吏部諸君數以人物訪之輒直言其所知李道甫司徒忽爲臺省所攻郎署有佐之者顧叔時上書當道救之舊太宰密以問元靖元靖曰此亦易知第觀其攻之者與救之者爲何如人耳其輩愈益切齒而元靖陞光祿少卿遂噤南科齟之爲內察張本然其輩視天下無可畏不復隩謀彼已氏出使過家卽言元靖及章元禮等禹州王信

衛輝府志

卷五十二

墓誌銘

三十八

甫及其弟維則皆朋黨遠近共聞之矣元靖忠孝天植其視人決無可爲惡之禮其視人之爲惡決無可容之理而其疏融之識恢卓之才直往不懼之勇真足以爲善安肅之政百城寡二而御史陳姓者以私憾尼之不使入臺省俾爲吏部必有可觀而趙文炳蟻之淹抑幾二十年纔轉一光祿而遂中以吏議元靖轉官時卽求出使家居與其弟元獻子穉仁緇經譚藝爲老焉之計而羣小猶恐其出也竟借內察以處元靖等諸人而禹州兄弟皆橫被口語元靖平生素壯一病竟不起善類咸痛恨之元靖生於嘉靖己未十二月九日卒於萬歷丁巳十一月十二日年五

十九耳娶宋安人先卒子一兆麟卽穉仁廩生娶都御史
劉易從女繼娶千戶錢紹賀女女一適生員王濬德孫一
伯鼎聘經歷郭盤女劉出元獻與穉仁卜以戊午之十月
與宋安人合葬於司訓公之側穉仁持元獻之所爲狀來
屬趙子爲銘趙子病未能也今年庚申趙于復起方元靖
之卒也外人皆曰以貶官而鬱鬱元獻曰余兄殊不以官
爲意趙子曰昔仲尼去魯作雉噫之歌不鬱鬱耶豈以司
寇哉余丙辰冬而病明年春而聞元靖之貶也而又聞其
死也五內剝裂以至今今年而復起若小人者皆能使人鬱
鬱而死則君子無類矣彼揚揚而死者豈少哉猶萬萬笑

衛輝府志

卷五十二

墓誌銘

三十九

而被格耳豈足道哉元靖歿未幾而建酋入犯破城隕帥
辱國不可勝言朝士中不聞有老謀壯事竟如元靖所云
銘曰吁嗟昔賢未見此時白日晦盲市有舞鴟眇末魯臣
太阿是持貨之專魯詎足爲訾願忠則售懷才則譏矧惟
若人倜儻瑰竒玩惡龍文鷄駭鳳姿力能相掎豈容奮飛
百里之外長駕莫施蹠踟倚佩歿不及衰子孝且才獨漉
同悲賢良俱盡國步阽危醜虜憑陵曰將宋之孰念憂辱
先見孰思燕趙之間乃生窮竒如將大車祇自塵兮誰秉
國成云胡不歎幸而未死攄憤勒詞元冥杳茫黃壤有知
國朝李振裕郭公士標墓誌銘

公諱士標字公望別號中水姓郭氏河南新鄉人也其先自明初有諱欽者始居邑之定國村歷四傳至孔嘉是爲公高祖考孔嘉生名山縣主簿千之千之生蘇州府同知蒙吉蒙吉生四子其次曰湻明神宗朝爲禮部尙書季曰澆仕至陝西布政司叅政公第三子出後尙書公以廕爲官生郭氏故世族尙書公兄弟皆以進士起家貴盛甲其里中子弟多翩翩自喜公獨深沉有大志自命偉然不屑爲貴游豪縱態其師易義侯張亮諸君皆嘆竒之年十八尙書公歿居喪盡禮持身治家斬斬有法度繼念尙書公未膺卹典伏闕抗疏陳請卒得俞旨賜祭葬如例人以是

衛輝府志

卷五十二

墓誌銘

四十

知其能無何叅政公受命分守河西是時流寇猖獗秦中大亂叅政年已老其長子失明弗克從將單騎之任公蹙然曰當此寇盜充斥時奈何令老親獨往吾輩顧優游家食乎卽從叅政公赴陝至則日夜籌畫思所以撫柔百姓捍禦盜賊叅政用其言勦賊屢有功旣而寇入河北叅政以鄉里爲憂公則復自陝馳歸佐郡縣吏繕完城池修甲兵召募壯士爲守禦計一方賴以安堵寇旣退有司上其事於朝以叅政公名奏聞愍帝賜璽書褒美叅政公實宦遊未嘗知其事也居三年叅政卒於官二子相繼歿公益孤立無所倚而大河南北仍歲大侵家業日以衰耗盜賊並

起滋益多州縣多被刦掠公以一書生外爲鄉里謀扞患助其芻芟糗糧內庀家政代兩兄撫藐諸孤衣食百須雜然待其咄嗟指麾無不辦具當是時也人咸以經理之才屬公公亦慨然自負留意天下事思出其才以有爲然終以不遇而賊勢益張國事益不可收拾泊李自成陷京城愍帝殂公遂絕意進取其才卒不見於施行君子益深惜焉公素有志聖賢之學自其從叅政公在陝雖軍旅倥偬暇則相與議論經史質疑問難不少休旣絕意進取乃益肆力於學問家居日取五經諸子下逮宋儒語錄沉潛反復究厥指歸擇其純粹者纂而錄之都爲一集會容城孫徵

衛輝府志

卷五十二

墓誌銘

四十一

君竒逢僑寓蘓門公出所學相正徵君一見傾服議論徃復多所符契始公雖力學不倦猶自以爲無所師承未敢堅信不疑及是乃益渙然無所惑也其學不自表暴以力行爲先務於孝友睦婣尤所加意事母及本生母兩得其歡心數十年人無間言本生母卒降服心喪三年如古禮撫幼弟若兄子授產授室與已子均厚于宗族建祖祠墓側歲時祭掃大會族人習禮其中置祭田以供饗祀有餘則以供族人嫁娶喪葬費立家會集族之能文者月一課之又擇其文之優者分令教族之子弟縉紳家傳以爲瀉孫徵君稱爲六行之士聞者僉曰無愧若公者所謂不言

而躬行者歟公雖終身隱約其才莫克自見而學問深謹
內行醇備實足以垂法後世至其仁義之心遇事輒發時
時罄所有賑人不贍鼎革以後士人或轉徙不能歸予道
里費令復其所婦女爲兵掠者贖而歸之其利澤及于人
者蓋亦不可勝數也嗚呼是足以觀公之大槩矣公生於明
萬歷三十三年乙巳七月初一日未時卒於康熙二十六
年丁卯八月二十三日酉時享壽八十三歲元配呂氏繼
娶余氏陳氏子男一人晉熙戊午科舉人陳氏出孫男二
培恒培恪今將以康熙三十一年壬申十二月初七日葬公
於魯堡祖塋詮次公行事來請余銘惟余叔王父忠肅公

衛輝府志

卷五十二

墓誌銘

四十二

出尚書公省試所取士當尚書初歿時嘗唁公於喪次一
見嘆爲遠器時時向人稱道之余自幼至今聞公名甚熟
故按狀所言書其大畧如此至於公抱用世才寧隱約以
老終不復思一試其志有可悲者公不自言其故余亦不
得而詳也銘曰猗歟郭氏代有顯人公產華胄其才莫倫
恥彼鉛刀厲我鋒鏑卒韞不施以昌其學教行于家仁溢千
里身則隱焉德旣茂只鑽石埋辭解稱厥情維公靡愧後
其有徵

國朝劉統勳黃岡令暢公于熊墓誌銘

君諱于熊字光羣號敬修卽明經諱中掄仲子康熙己未

進士歷階工科給事中祀鄉賢諱泰兆公孫順治丙戌舉人贈主政祀鄉賢諱策公曾孫先世籍山西陽城縣明初奉詔樂遷河南衛郡之新鄉積善餘慶由來遠矣君幼而岐嶷文思清勁有孝感熊相國風稍長卽與諸名夙遊讀書辨析異同帖括一秉先正而尤矩矱荆川今讀其問世諸作神骨氣味愈研愈精亦與荆川吏部中丞時文相倣也康熙壬寅補博士弟子員越雍正甲辰聯捷成進士其年甫十九齡耳儀封宗伯張清恪公以才品兼優保舉引見世宗憲皇帝溫語褒嘉有人去得之 旨辛亥秋授黃

岡令岡楚北劇邑也君少年老成利興弊除五年內操縱

衛輝府志

卷五十二

墓誌銘

四十三

指使洞中機宜案牘少暇卽以文章自娛聲色貨利槩屏絕之如徵收銀米不重分釐不盈顆粒建義塾延名師勤月課定甲乙今編修萬君年茂進士程後濂鄉貢王如旦輩皆其陶成賞拔者也學宮湫隘捐俸倡修邑治東北舊有問津書院爲諸生下帷處資以膏火絃誦不輟乙卯獲雋十人丙辰鄉舉又十五人科名鼎盛有明徵矣故多訟獄君以哀矜行平中小大之情靡不犀照大吏廉治狀檄代郡篆陳牘次第裁決而麻城涂如松妻命案尤遠邇口碑奕世不磨者民以幼聘之婚多爲外家嫉貧寒盟君諭以大義與送完聚澆風咸敦古處值隴西告歉協辦米石

公帑不足皆代償之奉文攢丈洲地扁舟規畫賦不擾而役不煩豫省設普濟堂不遠千里資金以成德意制府旌其閭曰惠我嘉師其樂善不倦類如此乙卯春纂輯邑志克成善本乃八月患疽遂不起距所生丙戌僅三十春秋彌留際語不及家事但念年力盛壯當此 聖明之世報稱莫由忠孝兩虧飲恨泉壤也蓋君性至孝先是尊先生留滯江南跋涉者再及令黃具慶就養溫清不懈伯兄逸羣孝廉爲豫中名下士君質疑請益儼若師弟居官則輦之偕至屏于兄所後母加意愛敬不替所生元配輝縣

孟氏繼娶磁州張氏俱出望族孟孺人于歸七載賦性賢孝

衛輝府志

卷五十二

墓誌銘

四十四

相夫成名惜不永年一女字士人先大夫與迺祖黃門公爲同年友余甲辰通籍又與君同出一門孔李之好相知最深爰採行狀所紀并夙所切劘紀其梗槩系以銘曰陳留世族代有偉人繩繩繼繼以及其身弱寇爲文蚤成進士年不配德竟賚其志俸取養廉蕭蕭囊橐政在寧民四方咸樂祇父恭兄廣庇夏屋仕優而學中行獨復雖憐伯道終擬于公携爾故劍永保遺封

國朝湯斌孫徵君墓誌銘

康熙十有四年乙卯四月二十一日前明萬歷庚子舉人徵君孫先生卒于輝縣夏峰之居第一時監司郡縣之大

夫與方數百里卿大夫士弔哭屬路不絕城內外市者罷耕者廢耒里老泣嘆子弟輟誦絃聲督學使檄郡邑列祀百泉書院其冬十月十六日葬于夏峯之東原距生萬歷甲申十二月十四日享年九十有二矣蓋道學之傳自濂洛關閩諸大儒後莫盛於明之河東姚江先生幼當梁溪吉水講學都門之日與鹿忠節公交修默證以聖賢相期許忠節旣沒獨肩斯道者四十載年愈高德愈邵眞積力久篤實光輝四方學者不謀而合曰夏峰今之河東姚江也兩朝徵聘十一次纁帛賁於巖谷守令敦趨就道者數矣先生堅卧不起故天下稱爲徵君云先生諱竒逢字啟泰

衛輝府志

卷五十二

墓誌銘

四十五

號鍾元保定之容城人高祖端曾祖廷寶皆有隱德祖臣嘉靖辛酉鄉薦任河東鹽運司運判以清慎稱父丕振庠員授儒官孝友著聞母陳孺人兄弟四人兩兄竒儒竒遇俱庠員弟竒彥以貢仕武城令先生少時慷慨有大志十四歲謁楊尙寶補庭補庭問設在圍城中內無糧芻外無救援當如之何先生應聲對曰効死勿去補庭曰此足卜子生平矣補庭者忠愍公子也十七舉於鄉私居不畜一錢郡邑例致膏火資悉以奉父母兩居父母憂治喪一隼古禮偕兄弟廬墓側飲食必祭風雨霜雪哀音勲人前後六年如一日嘗語人曰少年妄意功名自雙親見背哀慟窮苦中

證取本來面目覺向來氣質之偏蓋學問實得力於此云
居京師見曹貞予公舉仁體以告恍然此心與天地萬物
相通時桐城左忠毅嘉善魏忠節長洲周忠介以氣節相
高一見先生皆傾蓋定交高陽孫文正公督師關門鹿忠
節爲參謀約先生同遊塞上徧覽山海形勝指畫如掌孫
公留共襄時事急辭歸語茅元儀曰將相不合未有能立
功於外者公信不愧吉甫如時不可何天啟末年逆閹竊
柄左魏周三君子相繼逮繫過白溝緹騎森布左右先生
與門人張果中拮据調護供其橐籥且告之曰雷霆雨露
總是君恩諸公主張宜蚤定意氣浩然旁若無人其子弟僕

衛輝府志

卷五十二

墓誌銘

四十六

從廠衛嚴緝莫敢舍者先生與鹿太公爲之寄頓左嘗督學
三輔又屯田有惠政時誣坐贓至一萬拷掠備至先生與
鹿太公謀設匭建表於門曰願輸金救左督學者聽於是
鄉人投匭者雲集左旣拷死則又按籍俵散魏與周各坐
贓五千嚴刑酷比先生咸倡義醵金以應之去京師不二
百里舉旛建鼓不畏閹知閹亦竟不知也當事急時遣弟
奇彥同鹿公子化麟馳關門上書孫公求援卽具疏以邊
事請陛見面奏機宜都門喧傳公將興晉陽之甲閹夜繞
御床而泣公抵通州函降旨勒回公回而諸君子不可救
矣蓋正人爲國家元氣非但急友難也事之不成則天也

而世徒以節俠視之過矣客氏弟光先以時焰牢籠士大夫介所知送名馬以家貧不能具藟芟辭再致穉秣之需以病軀不能乘辭待小人不惡而嚴類如此崇禎戈辰督學御史李公蕃舉孝行奉旨建坊旌表給二丁侍養丙子容城被圍土垣將圯窮晝夜拮据修築先生指授方畧士民協力捍禦城賴以全事定巡撫都御史張其平恤刑部郎胡向化交章聞於朝特詔喪嘉兵部尚書范公景文聘贊畫軍務固辭不就時寇氛漸逼都城携家人五峰結茅雙峰親識從者數百家修武備嚴教條所以整齊約束之法甚備更與其徒講學習禮賦詩倡和弦歌之聲相聞當

衛輝府志

卷五十二

墓誌銘

四十七

兵戈搶攘時雍容禮樂盜賊睥睨不敢犯嗚呼先生之不用於時豈先生無意於世蓋亦知天運之不可回也我朝順治初祭酒薛公特舉長成均以魯齋之任相待中外大臣推轂日至先生絕意仕進移家共城闢兼山堂讀易其中率子孫耕稼自給簞瓢屢空怡然自適而道德聞於遠邇負笈來學者日衆有大僚歸老於家一見北面稱弟子者有千里遣其子從遊者公卿持節過衛源不入公署屏息騶從以一見先生爲快先生涵養益邃自強不息每晨起謁先祠畢退居一室澄心端坐卽疾病未嘗有惰容接人無貴賤少長各得其道與後學答問隨人淺深亶亶

窮晝夜不倦子孫甥姪數十人揖讓進退皆有成法閨門
內外肅肅穆穆寂若無聲而諸事俱有條理媼族故舊恩
義篤厚爲之經理婚姻喪葬惟力是視聞節孝事必爲之
表揚先賢祠祀廢墮者必倡衆爲之修葺見人家庭乖違
與父言慈與子言孝緩譬曲喻必歸於道而後已故賢者
悅其誠不賢者服其化卽兒童牧豎無不歡喜尊敬至于
事變之來衆人震撼不知所措公處之裕如未嘗有幾微
動于中也其學以慎獨爲宗以體認天理爲要以日用倫
常爲實際嘗言七十歲工夫較六十而密八十工夫較七
十而密九十工夫較八十而密此念無時敢懈此心度幾
少明又曰生平所見有時而遷而獨知之地不敢自欺識
得天理二字是千聖眞脉非語言文字可以承當故言心
卽在事上見言已卽在人上見言高遠在卑邇上見言上
達在下學上見戰兢惕厲不敢將就冒認惟是慎獨而已
所著書共一百六十五卷嘗嘆世之學者不務心得株守
籓籬物我未化先生眞見道之大原無建安無青田惟以
庸德庸言直證天命原初之體可謂千聖同堂造化與遊
者矣云云

國朝薛所蘊楊公文秀墓誌銘

公諱文秀字右君號棗竹水部主政東始之父世居新鄉

西城父曰先夏公通詩書能文章敦厚溫醇古石奮張叔之流也乃恂恂以孝弟力田終其身三子公最少氣貌瓌瑋言動不苟父異之年十六慨然發憤謁賈先生下帷讀書賈竒其志而教之三年歌在泮稱一黌之雋胸懷磊落於家人生產泊如也每讀史至古名臣如張釋之于定國諸君子未嘗不反覆吟翫想見其人故樂善喜施尤好爲人排解紛難閭里不能自給者濟之事不得其平者以身直之崇禎己卯流寇曩中原邑侯登陴捍禦公躬親指畫倡議修甃撫軍上其事賜褒嘉焉兵燹後士多徙業公課子不少懈乙酉大比士東始領鄉荐丙戌捷南宮公猶以治理

衛輝府志

卷五十二

墓誌銘

四十九

未嫺仍命讀書孝經世典故傳云子之能仕父教之忠公殆行古之道與丁亥東始對策成進士授江寧司李公曰張釋之爲廷尉獄無寃民于定國爲廷尉民自以不寃古今賢之爾職刑民與廷尉等其無忘爾父言隨之任東始每出鞠事退必問今日治河獄平仄若何當則歡筴異於常時有弗當輒怫然不樂東始亦體公志小大之獄必以情繡衣使者至嘗秉燭治爰書公曰人命至重死者不可復生勿憚勞我爲爾檢之情可矜疑者二指出俾解網牒上臺使躓之得釋者八人今江左嘖嘖稱揚司理遺愛比于鄭國僑公之教也以覃恩受封如子官癸巳東始遷水部

主事公歸里踰年疾作時水部有造舟淮上之役疾馳省視未至而公遽卒易篋惟篤念水部遺教以作忠云時少子及二孫在側公視之曰讀書爲好人餘不及私彌留之際有治無亂誠古人所難也公生于明萬曆辛巳七月十日終於 國朝順治甲午十月七日年七十有四公配董孺人生二子長卽毓蘭丙戌進士工部屯田司主事娶歲貢趙時英女封孺人次佩蘭廩生娶儒官楊汝梅女女二長適庠生呂好儒男麟徵次適生員蔣人吉早卒孫二長濬聘廩生張鳳起女次徵聘乙未進士周嗣昌女孫女三長許聘廩生杜於芑男肇碩次許聘增廣生員孟克類男

衛輝府志

卷五十二

墓誌銘

五十

銑三許聘廩生郭治華男宗爨卜以順治十二年十一月五日葬公於高村隆岡之南銘曰伯僑之裔因采氏楊睠茲哲人徽德孔彰有子能仕作室肯堂察獄以情江表稱平恩綸載頒三錫攸榮

國朝衛肅海豐令王公曾墓誌銘

故海豐令王贈公歸窆有日其冢孫鑾走緘屬肅銘其墓肅與公子永健同舉於鄉夙稱莫逆而公孫紱館中前輩也昕夕相從頗得悉其家世梗概是用不敢以不文辭謹按狀公諱曾字福川號玉行世居洪洞明初遷延津一經相傳世有隱德六世莘野公諱者賓績學家修不求聞達

爲是公大父生漢倬公諱慶章以孝義著稱徵鄉飲賓公其子也幼不好弄讀書日數行下癸巳 恩科擢經魁以親老不赴南宮試雍正六年應賢良方正

詔揀發廣東以知縣用公爲人嚴明善斷遇事能持大體而愷惻天成常慨焉以利濟蒼生爲己任其之粵也會封川奏開金礦大吏委公督辦公曰山谷險巖而開利竇以招無業之民恐滋他事不優於是兩憲乃會摺奏罷是秋委署南雄通判明年署陽山令縣隸叢山中民猺雜處秋熟劫掠爲患公親泣彈壓恩威並著猺人馴服奸豪吳姓盜買劄符冒軍功倚勢凌轢不軌公廉知其三十年前曾

衛輝府志

卷五十二

墓誌銘

五十一

充縣役竊心疑之而未決也會吳以事到官閱其符有補苴痕且得功之年卽服役之年乃立發其奸僞狀寘之法陽民稱快其諸明察類如此明年題授海豐豐邑歲患海潮飄沒田廬禾稼無算公往來相度議築防以捍其衝諸丞倅以工程浩大交口沮之公曰苟利於民何卹焉捐俸倡修建海壘四十餘里是歲潮水倍常而禾稼無恙邑人至今賴之事詳海豐縣志瀕海多盜懸案積十餘年無從致詰公設鴻偵捕獲其渠魁數人一訊而服遂定爰書自是豐民夜不扃戶矣素性勤敏案無留牘初下車訴事者日以千數公剖決如流勸懲交施不踰年訟獄衰息已乃

修葺廟學建惠陽書院進諸生立講課殷然有移風易俗之思未幾以礦徒事論例去官公在粵四年有奇兩膺民社一佐郡治揭貪吏嚴私徵雪冤獄剔衙蠹屏絕干謁門無雜賓蚤夜孜孜凡有害於民者無不去有利於民者無不爲計所擘畫張施類不屑規規一時計而遽爾挂冠未獲竟所欲爲良可惜也豐之人傾城出餞攀轅啼泣絡繹於道建生祠立去思碑蓋公之惠德在民具可想見矣歸里後杜門習靜坐卧一編琴鶴之外無長物每春秋佳日偕二三老友逍遙杖履詩酒言歡教諸子若孫先行誼而後文藝凡俳優顧曲招朋酣宴之場皆飭不得與延爲南

衛輝府志

卷五十二

墓誌銘

五十二

北孔道每當名宿駐臨必衣冠肅迓命子若孫再拜請教公子永嘉永健先後膺鄉薦公孫紱成進士官侍從玉樹芝蘭盈于庭砌公光先德 裕後昆豈有旣耶銘曰人壽幾何惟德不朽延士之宗粵民之母載光千前以昌厥後鬱鬱佳城旣安且久

國朝申允恭李公淳墓誌銘

延有德行醇篤文學淵雅無遠近親疎皆稱爲君子人者曰沛菴先生姓李氏諱淳字霖夫先世晉之澤州人也明初有諱眞者奉例遷延遂世爲延津巨族眞三傳至珩珩生洵俱贈光祿大夫吏部尚書自洵又三傳是爲先生之

曾祀諱夢禎崇禎戊辰選拔仕至山海關通判生少叅公諱煊順治壬辰進士仕至雲南洱海山東東兗監司少叅公三子長諱適授文林郎歷直隸束鹿山西永和令季諱象椿授獲嘉縣教諭先生實文林郎公少子也教諭公無子遂以先生爲子生而穎異其學於六經諸史百家之籍無不窺其文於騷賦詩歌古文詞無所不習而尤長於制菝金質而玉色鯨鏗而春麗當髫年時老師宿儒已自以爲不及應舉至京師自望溪東巖已山諸前輩 交口許可顧數竒屢躋場屋自爲諸生垂二十年始雋雋矣又抑置副車然先生益肆力於文學愈深養愈邃文益閱深粹

衛輝府志

卷五十二

墓誌銘

五十三

密其尚志堂制菝論者謂羅艾不能過而卒無所過獨爲後進所宗師指授者爲文皆有法晚年悉心理學著四書釋註闡發程朱奧旨尤有功於先儒至其因物寄感吟咏性情則有榆園詩稿西遊詩抄學步詞數種風調格韵出入唐宋嗚呼先生之於學可爲勤矣平生恂恂訥訥退然如不勝衣與人言惟恐傷之而義所當爲則毅然不以利害阻卽欲干以私輒凜乎不可犯也其仲子香岑嘗曰若菜侍先君三十年未嘗見疾言遽色每當歲時拜掃及先人生忌輒慘沮流涕六十外猶不改也雖家庭燕語無一言及人不善親族以飢寒告者雖當乏必恤之有某者先

君濟其困屢矣後以事深相背負既而復大困仍詣先君求濟先君卽濟之如初嗚呼先生之厚德可謂性之者矣乾隆癸未授伊陽教諭至則鼓舞激揚不數月士風大振先是伊士連數科秋闈輒報罷比乙酉遂雋五人而先生移疾歸里魏君王官張君潏馬君希融皆伊陽乙酉鄉薦士徃計偕入都數從余問先生起居後聞凶問並涕出不能止因言先生在伊陽時有耿生者年老貧甚顧持廉隅義不肯千人飢寒瀕死先生廉知之急餽以衣粟復捐俸建義學俾耿爲師以教童子耿用是困少紓然耿未嘗報謝先生未嘗自以爲德邑人兩高之某上舍坐小事將被

衛輝府志

卷五十二

墓誌銘

五十四

褫先生力爭於有司得釋上舍懷金入謁坐語移時不敢出所懷退語人曰先生不可洩也嗚呼古義高風豈近今之所有哉先生生數歲而孤卒能自力於學慎行其身以發其名成其業而施及於後蓋年十八補諸生有盛名人皆爲石渠金馬旦夕可致乃頗蹇滯三十八中乾隆戊午科順天副榜六十三授伊陽教諭越二年謝病歸踰年遂卒年六十有六士論惜之卒後四年而香岑舉於鄉識者謂餘慶方始云銘曰種而不食積而不耀胡舛胡嗇曰豐後報後報伊何施於孫子仲也薦鄉翩翩鵲起匪竟其施厥昌伊始刻石幽宮券茲來社

